

沅
湘
耆
舊
集

沈湘耆舊集卷第十二

新化鄧顯鶴湘皋編輯

鄧縣沈道寬栗仲校訂

嚴參政永濟一首

永濟字宗哲華容人成化戊戌進士初爲戶部郎
中出守西安升浙江右參政卒於官著有兩山集
參政早有詩名與李文正楊文襄友善性忱直三
原王端毅公嘉其志操薦守本郡在郡久嘗萃三
學生講論拓書院居之康對山王九思之徒皆由
此出故參政名當宏治時甚著元裕之中州集其
所刊誤序行也又懷麓堂集有讀柳拱之員外嚴

宗哲主事楊應甯舍人唱和長句戲次韻一首詩
知宗哲拱之與李楊並稱其詩必非小就今柳嚴
兩家集久佚參政詩僅傳送忠宣絕句一首孫鵬
初華容志餘謂忠宣出處關係甚重固非他人所
能窺測然參政此詩則亦荷蕢接輿之心也斯真
知言也已

送東山先生重出草堂

公去青松護短牆歸時定見鶴翎長野人不解山靈意只
恐移文到草堂

羅副都鑒一首

鑒字緝熙號湘川茶陵人成化戊戌進士授南京

刑科給事中轉戶科擢廣東參議歷四川布政遷
左副都御史督蘇松糧儲忤劉瑾罷歸瑾敗起巡
撫蘇松尋致政里居三十餘年始卒茶陵羅氏自
斷事汶以慈惠著稱一傳爲履素翁懋再傳爲戶
部郎中號三傳至湘川副都世以文學政事顯湘
川居諫垣有直聲所上封事皆切時弊晚歲家居
結願樂亭作左右銘以自警年九十猶能鐙下寫
細字與人處雖童賤必禮下之蓋溫溫然抑戒之
君子也

一經堂歌送尹時夫令臨海

昔聞武穆追曹成提兵遠駐雲陽城雲陽山人尹彥德走

入轅門氣超逸
撻牛醢酒享三軍
豪聲鼓動旌旗色
武穆題贈一經堂
銀鉤鐵畫生輝光
山人從此通今古
簪纓奕世光門戶
五百餘年舊澤杼
斗庵之後復見汝
文章早歲登青雲
風骨况又如外祖
竭來足躡雙飛鳧
赤城竹馬爭歡呼
能以一經爲世用
滿籬豈必黃金圖

案此詩舊以爲羅懋作懋字敬德明初隨父汝仕北平都司斷事歸里後孤貧自守以履素名軒自號履素翁有履素詩集即湘川副都之祖也今按此詩爲送尹時夫令臨海作中云五百餘年舊澤杼斗庵之後復見汝考時夫名尙孔嘉靖庚子舉人仕至溫州同知斗庵名尙寶嘉靖丙戌進士仕至貴州參議二人距明初甚遠其非懋詩明甚推原其故殆以履素翁集曾經其孫序行遂誤以鑒爲懋耳今定爲湘川作湘川登第在成化戊戌至時夫鄉舉之年六十有二湘川閱世最久固猶及見時夫作令時也

羅參政安一首

安字時泰號南洲益陽人成化戊戌進士授戶部主事累官山東僉事四川副使江西按察使改貴州參政公威望素著蠻酋安鼇者虐使其下懼公賂以金公怒弗受卒誅之邊境以靖又疏罷中使采玉蜀地瀘人爲立生祠按察江西時宸濠初蓄異志以言探公公正色曰歆器圖殿下宜時時觀之乃享國長久之道甯藩校尉虐民公痛懲以法改貴州參政以普安用兵督餉功賜金幣詳見楚紀公家法嚴整課諸子均有學行子允凱字志成嘉靖改元舉人累官鬱林州知州少以聖賢自期

許及游湛甘泉之門所得益遂性篤孝父愛養二
鶴歿後聞鶴唳則仰天而哭初令饒平饒人立祠
祀之後寇陷饒所至焚燬見凱祠獨泣拜戒勿犯
其感人如此父子均祀鄉賢

過貴州黃草尾萬戶祖戰死處

我祖提戈駐此州一鳴刁斗萬山愁睢陽戰苦天無色諸
葛星沈志未酬黃草陣雲雙眼血黔江皎月一輪秋兩回
經過傷心地霜角淒涼滿戍樓

按益陽志忠義傳元羅大珣字國用官萬戶至正
二十年征貴州白廬寇力戰死臨難作絕命詞云
萬古一輪清皎月照明白許多豪傑獨讓古人真
不啻雙眼血寒江冷水都成熱釣石豈因清怒裂
紅鐵難滅心中鐵不畏他千回
百折頭可截肝腸畱得朝天闕

夏通政崇文一首

崇文字

湘陰人成化戊戌進士授南京吏部

主事累官通政使通政爲忠靖之孫太常之子有
異才廖道南題夏氏三世畫像云太師公功在當
時澤疏宇內猶之衡嶽出雲洞庭浴日鼓扇造化
而物不有其功太常君克昌厥後振揚先烈猶之
山下出泉風行水上涵蓄浩濶而人不知其蘊通
政君發其幽潛纘其碩膚猶之山益峻而高水益
駛而奇而莫知其所紀極嗚呼盛矣其語如此通
政之賢可想詩不多見僅從坊刻鐵網珊瑚中搜
得一首

次韻陳明之著色墨菊

異種原因造化留，出塵風韻立高秋。
若爲採摘凌雲去，汗漫羣仙許並遊。

案鐵網珊瑚載明之詩，始人仕爲太僕寺卿，少最却名，善書，其自題墨菊原韻云：歲晚南樵半月留，玉川清蔭墨花秋。寒酸味永，君應惜細嚼。風霜入醉遊，威鳳聊因翠篠留。空山風景自春秋，憑君自飽青精飯，敢逐雲蹤入極遊。

劉侍郎憲四首

憲字廷式，號鹿山，益陽人。成化戊戌進士，由蕪湖知縣擢御史，巡撫甯夏，累官刑部侍郎。以忤劉瑾逮繫死。瑾誅，朝廷察其忠，遣官諭祭，祀鄉賢先生。撫甯夏時，北庭多故，募士兵得精銳二萬人禦敵。

遂有花馬池之捷其東征詩有云郊原入目尸相
枕家國關心夢亦懸可想見一時防邊經畧之苦
李文正題先生所藏山水圖所云只應身自作長
城水色山光爲爭氣者也

發長沙

已覺長沙北猶瞻嶽麓西天浮湘水闊樹入楚山低岸芷
餘香草叢篁染舊唳昔賢遷謫地多見古人題

因眺山水感懷

雨歇南山霧未融峯峯凝翠夕陽烘不勞斧斲天然秀縱
使丹青畫未工虞鳳采儀晴展翼湘娥雪髻晚臨風品題
欲盡吟邊趣滿眼春暉感寸衷

晴江春闊水茫茫千里朝宗勢莫當
野渡有人飛棹穩桃源無客落花香
纔拖鼃背風初吹全卷鯨波日漸長
惟此衷腸流不去時時垂淚到斜陽

丙戌出京別諸友

把酒臨風路正歧酒闌無奈客東西
多情惟有斜陽色一路慙慙送馬蹏

歐陽御史復一首

復字孟元安仁人成化戊戌進士授武康知縣以能稱境內有虎患禱於神日斃五虎民患以除拜監察御史子選字汝魁正德甲戌進士官望江令調四川鈞連所至亦有聲詩不見御史詩亦僅存

七絕一首

梅峰砦

天作奇峰百仞高，干戈擾攘此堪逃。
於今萬里烽煙息，滿地青蕪雜白蒿。

朱通判守蒙一首

守蒙字正蒙，恭簡公英第四子。
成化癸卯舉人官鎮江通判，不久即乞歸。恭簡諸子多賢，達守蒙兄。
守孚成化己丑進士官刑部郎中，有燕臺公餘草。
久佚通判詩，亦止得一首。

題錦石巖

劈破崑崙玉宇開，中涵萬象小蓬萊。
參禪鐘向林梢沒，出

定僧從月下回飛瀑捲雲珠錯落暮煙和雨碧崔嵬何時
了卻書生債便學圖南高臥來

李南康顯一首

顯字榮宗桃源人成化甲辰進士官戶部主事出
爲南康知府以惠愛稱未幾乞休祀南康名宦廖
道南楚紀稱其守南康傲白鹿洞規興學勸士贊
曰有官守者孰曰盡職有言責者孰曰盡忠程李
趙羅明試以庸李即榮宗也

桃源洞

仙源迤邐萬山圍不見漁郎舊釣磯流水落花春自老石
田茅屋昔人非崖門重掩疑無路嵐氣生寒欲溼衣應與

塵髮杳相隔斷橋芳草自菲菲

黃都御寶一首

寶字廷用號東岡善化人成化甲辰進士官吏部
文選郎擢都御史巡撫陝西以忤逆瑾罷歸瑾敗
復起巡撫雲南旋卒著有東岡集今不見但存感
秋詩一首殆作於忤瑾罷歸時也

感秋

黃蘆瑟瑟雁南飛搖落秋聲冷襲衣天地風霜吾輩老江
湖煙雨釣船歸幽情更不關寒暑塵世那須論是非十載
林樾甘寂寞從來官罷友朋稀

程通政溫一首

溫字德和祁陽人成化甲辰進士累官南通政司
參議德和素有才望逆瑾用事將草疏上劾忽內
批致仕遂拂衣歸家藏書頗多盡以儲學中詩集
佚僅存中興碑一首欽寄歷落一空此題名作惜
不多見也

浯溪讀中興碑

我家屋後十丈石當年刻作中興碑火燔角觸不損滅自
有鬼神嚴護持中興事業不足尙太師書法蟠蛟螭已知
忠義真蹤跡定與天地同終期詞希風雅漫郎領意學春
秋山谷詩囂囂更勞幾機杼窮幽發伏爭呈奇我生愛書
來不厭嬾聽誰家談是非

曾主事全 三首

全字復初號碧潭永興人文載比部韃子成化丁
未進士授戶部主事以言事被放卒祀鄉賢有尋
樂齋稿復初與弟介同舉於鄉介弟念三人先後
俱成進士復初釋褐未久星變抗疏陳四害言甚
愷切至侵權貴中以他事繫錦衣獄幾一載竟削
籍朝論惜之文載比部守紹興以剛直罷官諸子
遵其教出處皆有本末可謂不負科名矣復初詩
集未見僅存古今體詩三首吐屬穩洽饒有寄託

弔獅子石

便江獅石砥中流
鬚其尾昂其頭
呀然鼻口撐突兀作

勢直欲吞金牛借問當年耒州守官漕折閱伊誰咎漫將
斧鑿碎屑牙石不能言空俯首冤哉此石誰爲傷時乎時
乎亦靡常爾何不生陰晴宜都郡又不遇甲乙牛奇章慶
雲冉冉生萬狀松風謾謾吹微涼不然醉倚柴桑里亦或
醒臥平泉莊胡爲誤飲熊渠羽致令血濺秦鞭殃鳴乎石
乎人生冤抑自今古區區一石何足數君不見汨羅江水
淚流深東門抉目亦猶汝我本山人饑將白石煮漱流
枕石二十年癖在膏肓醫不愈弔爾石石勿諉我有釣船
長繫此白鷗黃鳥相因依醉後酣眠吾與爾穀城山下不
須期正值拂衣歸洞時明月清風許分我青山坐臥忘世
機

蘇仙觀

百尺樓臺千仞山縈紆石磴踏仙關白雲嘗宿疏櫺外明月平飛碧樹閒鹿傍竹根眠獨穩鶴巢松頂夢應閑潘園尚有遺蹤在綠韭春風繡石灣

玉龍山鄧公祠

塵起西風滿便城當年誰復爲蒼生氣搖山岳雲成陣劍拂冰霜夜亦明古木參差銀鳳翥自注銀鳳亦山名碧波激淨玉龍迎春祈秋報今猶昔人物桑田幾變更

按郴州志鄧公祠祀鄧九郎名大宋州之西鄉人元至正初兄弟三人禦寇有功歿而爲神歷代祀之祠在州北五十里白茫舖左銀鳳山又永興縣玉龍山有鄧公祠建祠時代神號俱未詳又永興縣分司行署右有鄧公祠明萬歷四十年建祀分巡道鄧雲霄遺像猶存又興寧縣有鄧都司廟

祀指揮鄧雲正德四年廟寇亂指揮守郡桂奉檄
禦寇戰歿雙魚嶺勅建祠以上鄧公祠有四
祀法分巡都司二祀俱在正
嘉以後常非復初所及也

伍思南佐一首

佐字文峯新化人宏治己酉舉人官河南通判遷
安寧知州轉贛州同知以征龍南叛獠功擢守思
南府居官廉介吾鄉婦孺皆能言之惜其著作不
傳

金陵送別陶石城注選還鄉

十年蹤跡各紛紜今日天涯卻送君
煙柳平分江海月家山遙望楚湘雲
短檠好讀三餘火健筆應雄百萬軍
收取榮名天外去省教髦俊笑劉蕡

王陵水性一首

性字一清寧遠人宏治己酉舉人官廣東陵水知縣

題紫霞巖洞

蒼苔白石勝天台卻學劉郎特再來洞口桃花依舊好仙家石室幾時開爛柯局散人初去辟穀山空鶴未歸白日飛昇原是幻無人到此重徘徊

李雷州敝一首

數字

寧遠人宏治庚戌進士授工部主事出

爲雷州知州

咏疑嶺桂林

桂樹種何年疑峰杳靄邊丹銜鴉背日青傍鶴頭煙縹渺
杞林合蒼茫梧野連終當探月窟馥郁混人天

袁僉都經一首

經字大倫寧鄉人宏治庚戌進士累官右僉都御
史巡撫遼東著有犀潭藁大倫當時以風節著今
滄人幾無有能舉其名氏者其著作更無從問矣
送劉直庵太守歸里

宦路年來倦著鞭拂衣歸浴舊溫泉一泓清逼梁州宅二
頃平分潁水田大雅衣冠敦古素小山風月稱高年鳳毛
已舉青霄上謂其子坐待封章下日邊

彭襄毅澤一首

澤字濟物湘陰人以蘭川籍中宏治庚戌進士授
工部主事累官兵部尚書太子太保隆慶初謚襄
毅公少有志節體幹修偉腰帶十二圍大音聲與
人語若叱咤久歷戎行總制川陝提督三邊所至
以威猛稱雖嘉峪之敗爲言者所劾然討平羣盜
功在盟府不可沒也詩不多見僅從方志採得一
首

皋蘭送別從子永端歸湘

汝昔南來喜欲顛
汝今南去倍淒然
孤燈野店郵亭夜
一榻西風暮雨天
聚散無憑嗟此會
暄涼重敘是何年
梔橋
獅石牛眠地
四序無忘埽墓田

顏尚書頤壽一首

頤壽字天和巴陵人宏治庚戌進士授寶坻令累
官都御史以勘奏宸濠反狀功遷刑部侍郎嘉靖
初進南禮戶二部尚書嘗奏留諸道歲漕數十萬
石改北京都御史未幾改刑部尚書坐失獄免隆
慶初追復官爵加太子少保

題岳陽樓

吳楚樓臺此大觀丹樓百尺入雲端乾坤俯仰俱陳迹今
古江山一倚闌憂樂何關清瑟怨浮沈一任白鷗寒卷簾
更覺塵氛遠身世渾疑跨紫鸞

楊康惠志學一首

志學字遜夫長沙人宏治癸丑進士累官都御史
巡撫大同邊卒桀驁屢戍主帥公感以至誠恩威
兼濟一軍帖然入爲戶部侍郎晉尙書扈世廟巡
幸興都嘗乘閒奏免民間租稅卒贈太子太保謚
康惠子守謙嘉靖己丑進士累官兵部侍郎巡撫
保定督紫荊關以入援失利棄市隆慶初贈兵部
尙書謚恪愍守謙弟守約乙未進士貴州左布政
守約弟守魯丁未進士陝西右布政康惠父子兄
弟起家進士致通顯而康惠尤以功名終今其後
裔尠有聞者遺稿不傳僅存康惠登岱詩一首

登岱

天上仙人自不羣
龍書裊裊大文秦
皇臺上雨初霽
漢帝壇西日未曛
鬱鬱古松停鶴馭
巖巖峭壁繡苔紋
羽童曉起垂青髻
自向山頭禮白雲

徐戶部延用一首

廷用醴陵人宏治癸丑進士官戶部郎中有未齋稿未齋父子俱能詩居官以風節著今未齋稿佚長沙府志僅載其卻金小詩一首亦可見其風概矣

感事口占

楊震辭金日盧兒奉試時如何千載下走卒亦相知

曾嘉定介一首

介字執初永興人復初戶部全弟宏治癸丑進士
官嘉定州知州治獄明斷弟念字聖初亦由知縣
行取主事詩未見執初詩僅存一首偶爾寄咏亦
可想見其風概云永興縣志介知嘉定州民李
具介至獨辨其非辜舟人載一商役而取其貨棄
舟逆漁者偶拾其遺遂以之抵法介疑之設法鉤
距竟得其實前守魏翰嘗築龍江堰既田疇潰於
奔端介改築上疏且穿石爲基免衝齧患州人名
之爲魏
會堰

咏縣景洪濤

棱磳亂石起回湍雪擁洪濤八尺寬
眼底何人堪砥柱挽回既倒此狂瀾

譚司正玉瑞一首

玉瑞字雅祥茶陵人宏治癸丑進士授行人司正
有雩村稿張文毅序云雩村詩有曰南還紀興其
音鬱以憂曰登瀛唱和其音發以愉曰金臺雜錄
其音緜以則曰居鄉留詠其音散以緩今閱其詩
求所謂鬱以憂發以愉者殊不多見故僅存一首

送弟雅淵南還

驪駒唱罷首長途萬里遙遙雁影孤曉月朦朧揚子渡秋
風珍重洞庭湖到家一笑爭迎汝繞膝承歡獨少吾白髮
慈親應我念爲言指日定回車

范僉事淵

四首

淵字君山桂陽人宏治丙辰進士歷官刑部郎中

我徒增憂安得其良友道義資講求

附錄陽明登嶽麓詩涉湘於邁嶽麓是遵仰止先哲因懷友生麗澤興感伐木寄言客行長沙道山川轉縹緲四探指嶽麓凌晨渡湘流踰岡復涉險弔古還尋幽林壑有餘采昔賢比茲修我來實仰止匪獨事盤遊衡雲開曉星洞野浮春洲懷我二三友伐木增離憂何當此來聚道義日相求

問仙洞

萬古溪山復討論洞邊落日更移尊寒江衝綠迴漁艇晚岫分青到石門宿鳥已看爭覓樹遊人何事更尋源茫茫塵世空回首歸去林梢月一痕

蘇仙觀

參差樓閣俯羣山訪勝重來曉扣關望眼遠回三楚外吟懷清絕萬松閒瑤壇池迴煙霞近石洞雲深歲月閑淹坐

不知歸棹晚數聲漁唱起江灣

侍郎窵

昌黎聞說此經過信宿扁舟繫碧波窵號侍郎終不朽苔
侵石刻半應磨江山祇覺因人勝草木甯知閱歲多弔古
我來凡幾度吟懷無限付煙蘿

楊太僕禡二首

禡字介福武陵人宏治丙辰進士選庶吉士歷禮
兵刑三科都給事中介福性骨鯁以忤劉瑾致仕
歸構開山精舍偕蔣道林冀閣齋諸人講學瑾敗
起吏科給事中轉通政司晉南太僕寺卿

桃川

平川臨古邑野舫隔煙岑人代有秦晉風流無古今吟餘
嘯鳥寂坐久落花深蓬鬢俄成雪支筇且漫吟

德山

家近滄江復邇山青螺斜枕綠楊灣斷崖瀑野虹千尺絕
頂僧分雲半閒鳥逐風斜迂閣度猿窺果熟隔枝攀梵鐘
縱報諸天暝漁笛徐吹釣月還

陳侍郎洪謨四首

洪謨字宗禹武陵人宏治丙辰進士授刑部主事
出守漳州擢雲南按察使嘉靖初以都察院副都
御史巡撫江西入爲兵部侍郎卒贈兵部尙書公
性剛介不諧於時官都憲時備陳張原毛玉胡瓊

等妻子流離狀請卹於朝諸人皆以爭大禮死者
事見明史張原傳歸後居高吾山下築亭曰靜芳
著書自娛有靜芳亭集學淹博尤熟於本朝掌故
著治世餘聞四卷繼世餘聞四卷見明史藝文志
國朝四庫全書存目其曰治世紀孝廟時事繼
世則武宗時事也又有革除編年見明詩綜韻語
亦有風格四庫全書存目云靜芳亭稿八卷為洪謨自定以致仕之後居高吾山下
葉亭山中榜曰靜芳故以名其集又自稱高吾子
故亦曰高吾稿明史藝文志有陳洪謨文集二
卷不載其詩今乃獨有詩集而文集未見傳本攷
此卷首標題之下俱有詩集二字知尙別有文集
故以示別
非史誤也

滕王閣新成兼祀二惠

公暇高樓倚晚晴望中風物自分明西山爽氣雙螺迥南浦澄波一鏡平沙鳥風帆俱有務江湖廊廟總關情平生事業孤忠在仰止前猷感媿并

附錄秦和羅欽順重建滕王閣記都御史武陵陳公洪謨以宏才偉望撫循江右百度既飭爰及於茲閣之後爲堂三間以祀文文山謝疊山二公名曰二忠祠以章忠烈廟貌顯嚴高山景行嚮仰斯在蓋古之君子凡有興作未嘗不致其愼至若維持政教之具爲天下國家之所不容已者則往往相見相勸而爲之故觀於是役之成而君子之政可知也

青尉祠

江鄉誰搆此堂新香火春秋薦渚蘋當日微官陳大義百年殘喘沐深仁忠昭國史屍猶諫血食辰陽業不淪司牧祇今多厚祿幾人特疏爲疲民

弔宋忠節公

按青惠烈公名文勝字質夫夔州人爲龍陽典史
龍陽湖歲罹水患連賦數十萬敲扑死者相踵
公上疏爲民請命三疏不報乃具疏擊登聞鼓以
進遂自經於鼓下帝聞大驚詔寬龍陽租二萬四
千餘石定爲額邑人建祠祀之萬歷十八年
詔有司春秋致祭諡曰惠烈子孫世守奉祀

皇天不弔顏公死湘水無情屈子沈疆圉一身關國體忠
貞千古繫人心精魂白日濤猶怒祠廟青山柏已森宿草
孤墳何處奠空餘清淚灑衣襟

按宋忠節公名以方字義卿靖州人宏治乙丑進
士官戶部郎屢忤劉瑾諸璫銜之出守瑞州時宸
濠蓄異謀公廉得反狀增募民兵三千人日爲訓
練以備不虞濠反公不屈濠囚公於樓船載以東
下至道士洑舟人曰此黃石磯也濠惡其名思以
公應遂出公公大罵乃殺公沈其尸於江侍郎撫
江西時特疏表其忠諒
增光祿寺卿諡忠節

長沙道中

幾年鄉郡說潭州旌節今來亦壯遊
青嶂近收衡岳雨滄波遙接洞庭秋
誰家簾幕朱垂地到處菑畲綠滿疇
聞道鄉風最淳樸夜深閭巷有歌謳

李尚書如圭二首

如圭字國寶澧州人宏治己未進士授江西安福
知縣調建昌行取御史巡按福建遷廣西兵備參
議擢僉都御史巡撫延綏總理河道入爲戶部侍
郎總督倉場晉工部尚書改戶部致仕歸尚書學
期用世所至釐剔姦弊其撫延綏也值大饑用夏
文愍薦陳荒政十餘條得便宜行事全活數十萬

人在河道時易置開座引諸湖水益河流糧運乃
便歿祀鄉賢有懷古集未見

寄和郁僉事登安鄉譙樓

孱陵高瞰洞庭秋同樂何人建此樓風景不殊頻舉目家
山入望重回頭逢人謾說車公跡倚檻深懷范老憂萬里
青雲今始達乾坤何日更同遊

彭山

自注唐高祖子彭王元則曾刺澧州
歿後人爲立廟山上至今呼彭山

桓桓宗室寄干城寂歷湖山尙姓彭德在民心崇祀遠符
分澤國憶封榮遠帆落日鴉聲亂古廟高松鶴影清千載
英風猶未泯斷碑披讀服猶明

胡拔察文壁

三首

文璧字石亭耒陽人宏治己未進士授戶部主事
歷員外郎正德中改浙江監察御史擢太常寺少
卿以戇直出守鳳陽歲餘調保定陞天津兵備副
使尋以事下錦衣衛獄謫延安府檢校嘉靖初起
爲四川按察使著有耒陽遺記

鹿岐晚渡

鹿岐官柳晚煙凝十里蒼茫野色澄沙嘴喚船歸渡客樹
頭持鉢入雲僧城樓隔岸傳昏柝漁艇連江起暮燈嶺外
一時新月上泠泠冰玉洗樓層

縣景西湖

西郊清景說西湖水色山光勝畫圖風捲笙歌盈翠袖香

飄荷菱雜青蒲虛傳佛界天花雨不說僊壇露掌珠二十
年前遊賞地多情猶憶酒家壚

燕集分賦芳草

極目春郊草色多石橋西帶五層波煖香撲翠敷茵繡斜
日留紅散綺羅趁野牛羊歸晚隊朝天車馬聽晨珂自注將
此襲襲正屬王孫怨莫把陽關向此歌

柳僉都尙義一首

尙義字宗正臨湘人宏治己未進士累官僉都御
史以忤逆瑾除名瑾敗復起

九日登合盤寺

一年風景又重陽客裏登高易斷腸謫跡久輸陶令隱病

快無復孟嘉狂石林雨歇雲藏竇野寺秋深葉滿廊舊日
山靈應有待開殘叢桂尙餘香

黃布政昭道一首

昭道字文顯平江人宋長沙倅左司郎中誥十世
孫宏治己未進士授長山縣知縣擢御史正德中
劾劉瑾廷杖除名一足遂跛瑾誅起江西僉事宸
濠招亡命劫彭蠡諸處文顯捕獲數百人訊治如
法旋遷雲南參政以諭降緬甸分守普安討賊功
遷布政使有逆鱗稿梅巖集

道巖次遠祖君謨左司韻

粵自高皇起徒步名山大澤收輿圖棟真有慶仍舊物豈

謂道正而緣虛層巖幻出真空壘靈光萬丈輝日餘羣峰
羅列爭售巧無端造化森鍾鑪比年踏遍匡廬勝忽復觀
日東海隅此山此景未多見何況僻處搜方輿石罅天漿
空滴髓金丹紫火猶虛爐商飈萬里豁遠障佳勝一覽明
大都清泉酌我我欲醉有懷但識憂江湖白雲不埽犬不
吠無人知是神仙居倏忽氅衣飛石上清風白鶴臨紅藥
秦字茫茫此真境直爾淵居巖不枯幾欲從之老樵牧偷
生安忍薄吾軀謝事歸來十餘稔尋盟天岳追尊壺迴思
伐檀多愧日何如此地餐松腴老我更便歌擊壤真逢聖
代唐堯符生長山麓亦罕到豈非世外逍遙墟當時元周
無法力後來修葺無如初三百年前二十韻而今始得拜

祖謨興闢去去人影散
厪敖欲下山中呼

馬安慶文一首

文字質夫永興人宏治壬戌進士官戶部主事出
知安慶府

金紫巖

仙人竹杖化爲龍騎上巖頭金鼎封丹竈無煙曾煮石青
都有鶴尙巢松雙撐碧眼浮嵐氣一霎塵心醒夜鐘鼎鼎
百年成底事殘雲幾點過前峯

胡御史節一首

節字國信號同庵零陵人宏治壬戌進士授行人
遷御史慷慨敢言正德時劉瑾擅權公與同列衆

論之瑾銜次骨未幾巡按山東復一無所饋瑾怒使緹騎張吉逮赴京坐以斂送之罪公抗疏條瑾罪上之章凡十三俱爲瑾匿其略曰權姦竊弄威福縉紳被辱而臺諫尤慘生靈受害而山東獨甚語甚切至瑾愈怒矯旨下公錦衣獄杖幾死復遣其黨僞爲胡僧進藥毒公遂卒世宗登極贈光祿寺少卿遣官諭祭廕一子方胡僧進藥時公門人溫仁和時官翰林伏榻問曰前有人進藥否公曰有胡僧贈我以膏仁和驚仆公訝之仁和曰胡僧乃瑾黨也公其休矣公曰幸矣我之疏已十三上矣惟有一死尙可白之上帝默啟聖明以褫姦賊

耳語畢而逝其剛毅忠愛如此初公巡按山東時
祭泰山因登絕頂書彌高處三字於石壁題詩於
碑至萬歷十五年一夕忽降神於石鼓書院云報
罷泥金喜氣融錦衣驄馬出山東泰山書就彌高
處都付青雲一望中其說近誕亦可以見公之神
爲不朽矣

書彌高處三字於泰山絕頂因繫以詩

小春駐節泰山顛極目高雲咫尺天
旅祭何心嗤僭越醉題有筆潑雲煙
明堂址在皇綱繫君側
奸清曉日懸此地
彌高更靈貺吾皇崇報萬斯年

陳徵君廷璣 一首

廷璲字邦器攸人性至孝居母喪哀毀廬墓有靈
芝烏鵲之異宏治改元應懷才抱德聘未官而卒
著有天峯樵唱邦器應聘未官楚風補及通志所
載畧同今按鄧尙書庠東溪詩集中有陰山歌爲
攸縣陳教授廷璲題詩中云宦途萍梗東復西則
邦器非未官明甚載記之難憑如此詩僅得一首
亦清婉有致

望陽昇觀諸山

帳望仙山何處是白雲天際見蓬萊尋常有路從頭問七
十一峯當面來流水浮花歸洞口清風隨客上天台松閒
蒼苔履屐出不惜慙慙送酒杯

陳綦江警五首

警字得山攸人宏治辛酉舉人官綦江令著有老

鴉集

送友歸

曉日都門道輕車一劒橫乾坤俱過客桑梓苦關情木落
千山瘦霜高兩鬢清昆吾元有用莫負歲寒盟

幽花

抱素閒田地孤根久負奇春風自生意造物獨心知態遠
忘言境腸空泣露時晚來還載酒清賞未應遲

和范大尹澹泉過訪花園

園自公遊後蕭條數日過驪枝經雨重斜燕受風多泉細

暗流韻鶯狂嬌按歌瞋兒閑不掃蛛網漸成窩

贈雷山隱者

昔人曾見漁雷澤君向雷山結隱居絕頂梅花和雨滴窮
巖山藥帶雲鋤孤琴候客松蘿逕古鼎焚香竹石除老爾
沙田隱君子夜深無夢到金魚

別表弟賀有九

日映柳條黃風吹柳花香鶯聲落杯酒容易斷人腸

印舉人偉一首

偉桃源人宏治甲子舉人

桃川

綠蘿如帶接桃川坐老苔磯當釣船花雨送春紅滿徑松

濤繞壑碧連天山中日月更秦晉洞口煙霞自歲年悵望
仙蹤杳何處斷橋徙倚夕陽邊

李通判琥一首

琥潯浦人成化初貢生鳳翔府通判

歸田詩

挂冠神武卽山城閒訪煙霞舊日盟銷悶酒從村店乞遣
懷詩向枕邊成飽聞村落雞三唱不管譙樓鼓五更早晚
兒孫遞成立一經端足代深耕

陳光祿惟順二首

惟順字南崖攸人官光祿丞嘗隨湛甘泉至廣南
受學甘泉作壯哉行以嘉之著有天關居學錄南

崖摘稿

再同甘泉先生遊方廣

泉流百折澗雲深萬重山石響風生瀑鳥嘯月滿關蕙蘭
吹嶺氣杖履失愁顏天縱山人興葛巾隨往還

觀陽昇觀仙隱跡

石鼎黃芽事已成雲間騎鶴一身輕吾儒亦有尋真路不
向桃花溪上行

沅湘耆舊集卷第十三

新化鄧顯鶴湘臯編輯

鄞縣沈道寬栗仲校訂

何文簡孟春七十三首

孟春字子元郴州人宏治癸丑進士茶陵異其才
擬入史館以父憂罷服闋授兵部主事歷郎中出
補河南參政入爲太僕卿以僉都御史巡撫雲南
召爲吏部右侍郎世廟卽位以議大禮泣諫左遷
南京工部右侍郎尋削籍久之卒於家穆廟初贈
禮部尙書諡文簡所居有泉用燕去來時盈涸得
名天下稱燕泉先生公形貌清癯風采嚴峻學識

宏深居恆鞠鞠若無能臨事奮不顧身當大禮議
起首上書力爭於萬里外及官吏部詔議尊親禮
大臣相繼去位公復章三上最後偕九卿具疏發
十三難以辨折璵萼率部院臺諫泣爭於左順門
上慰撫再四跪泣不起非有卓然之識不爲利害
所怵能如是乎昔人謂公忠亮出自天性至於反
覆駁難援古證今稽疑定是批卻導窾又非他議
禮所可及也公少遊涯翁之門博聞強記喜吟詠
晚頗厭之箸述甚富文集十八卷見明史藝文志
疏議十卷見四庫目錄燕泉詩集四卷見四
庫存目燕泉遺稿十卷則乾隆中其後裔彙編刊

本流傳頗少惟屏居後所作餘冬敘錄盛行於世

云門生平以氣節自許歷官所至於時事得失數

陳侃切章疏乃卓然可傳本傳所載條奏入疏皆

侃侃最著者爾又關大計此集所載謙論尚多史特舉

東陽之門傳其詩四庫存目提要云孟春少遊李

文化選錄刊行非其全集也乃嘉靖開署郴州事蔣

何李並興公以卓異之才宏深之學與之遊上下

其議論往往志相合而氣不相下顧東橋撰國寶

新編自崆峒大復以下在公且略之意者公之著

作宋盡傳東橋亦將有待耶錢受之列朝詩選

云成宏之閒長沙李文正公雍容臺閣執化權操

文柄宏獎風流長養善類昭代之人以為之再盛

百焉以來士大夫學有本原詞向體要彬彬焉或

蘇門六君子之選平錄六公之詩用以彰一代之

盛事俯仰歎息蓋不勝高會規矩之慨焉案六公

謂石少保瑄羅侍郎玘邵尚書賈願尚書清魯祭

文簡也

沈湘齋舊集 卷第十三

二

詠史二首

萬物人爲貴男兒稱世雄我生幸獲年九十今成翁貧者
士之常死者民之終居常以待終此意將誰同賢哉榮公
言可拓隘士胸

薰以香自燒膏以明自消龔生天天年莫罪時所遭彭城
一老父意者錢鏐曹世事已如此吾人安得逃不見杜陵
蔣三徑埋蓬蒿

擬古二首

太邱道實廣仲舉性少通許子善裁量於人何適從彼已
有先識怨尤宜盡空如何馬磨閒兄弟乃不容汝南月旦
評海內人倫宗雌黃遞品題吾恐非至公懷惡不可討匿

情難善終不見同邑士操戈已相攻

昔有山陽人聞之馬伯鸞幸生聖明世不作瓦石捐矯然
稱丈夫何物垂千年太上有立德次立功立言名將竹帛
香像與丹青妍無爲浪生死祇穢天壤閒

送李憲副

別酒永今宵清談款捫蝨平生知己懷如物倒囊出離情
千萬端歷亂難把櫛殘歲戒巾車東行已卜吉輶軒凜先
聲風裁應誰匹齊魯聖賢區君行教能弼法家常少恩禁
網甯須密君有陽春腳復有造化筆想得冰霜閒暖同鄒
子律獄市誰擾之有人歌畫一

李宗一席上贈李獻吉

贈遠兼別知停豪幾商略平臺欲難余故出險韻腳詩誠
余不能情復不能卻念茲席上尊舉爲素屏酌折簡走僮
奴寒宵有先約時方急國需誰解憂民瘼河西看君行足
副九重託財賦徧四方征官奉母虐

再餞李惟正

憲職自西臺監司得良佐樽前酌春風先爲東人賀漢室
重直指唐朝推獨坐公才亦已高公任亦云大東人望息
肩誰與蘇疲痺夜犬及晨雞睢盱幾安卧黃紙付公權行
矣其無邇公復妙文詞脫口皆珠唾會有觀風篇歸囊屬
註和

送王伯安南都審刑

秋雨彌天來秋風動地發秋官方用權暑氣埽七月四日
復何之時當奉天罰黃紙下青冥欽哉惟帝曰罪毋脫秦
黥法勿加楚剛三覆五覆閒務使事情核宸衷一寸丹載
拜書之芻年來民俗漓宵長其告訐年來吏事冗宵聽其
唐突持此直如絃何人行請謁持此平如衡何人得乾沒
莫將五德鳳擬以獨擊鵠筆端有造化還解肉冤骨山川
幾經歷歲月去飄忽簿書盈几席宵作塵勞咄夜分鐙火
孤清興諒難汨檢點紀行篇浮蹤遍吳越歸朝擬何時欲
及衆芳歇民物哀矜餘轉覺心如齷好爲萬言書伏奏蒼
龍闕

樂湘詩爲余黃門作

按余黃門名守觀字尙寶衡陽人正德辛未進士官鉅野令以

治行異等拜給
事中有直聲

邠山足奇變其水復清瀉韓公稱吾邠此語非虛借南州
山水國山水名天下朱陵乃洞天蒸湘此分汭先生家衡
陽此樂天應假風月從招呼賓朋任多寡來往兩城市流
連幾轡輦竭來簪金門夢寐猶鄉社扁舟綠淨閒魚鳥忍
相舍繫余上游士昔此長停駕歸築蓋高亭期餐老年蕉
造物無終極浮生少休暇舊盟今亦寒逋客世空訝誰將
許國身重辦買山價君鄰我卜居早晚歸田舍

寒門

寒門掩殘冬山路遂絕跡何意今爲春新生草逾尺清江
閒釣竿鷗白點波碧對景忽興懷時光非所惜

有所見

人爲千古雄，囊泛一錢資。
力薄身不顯，徒爲流俗嗤。
長安有富俠，目不半字知。
金帛散孤嫠，聲名動京師。
有財易爲德，餘事安所疑。

馬上

孤坐苦不寐，披衣竟何之。
晚涼延散步，倏至潞水涯。
引顧時佇立，心知當爲誰。
西山有落日，照我雙愁眉。
塵土易淄衣，悵然興遠思。
川原藹新綠，正此行樂時。
而我方鬱鬱，出門長歎咨。
平生返哺願，未遂烏鳥私。
魂夢繞家山，形骸空此羈。
受生非木石，豈不欲有爲。
所任在簡書，病軀勞益疲。
虛名正無用，人事不可期。
黽勉効一官，區區守常規。
不爲

暗啞疇祗速詬罵隨自咎還自憐仰觀雲南馳撫心若有
失擬賦歸來辭

漢宮柳

依依漢宮柳本不傷離別何事學顰眉春來故愁絕柳花
情頗俳歷亂在玉階時復因風起將愁入人懷愁懷豈緣
此埽落御溝水一夕化爲萍隨流出宮裏宮愁不可出念
此還欲死

有感

元化鼓衆箭百年幾晷曉朽顏難再紅利欲紛轆擾自撫
多憂患不殊蟲在蓼名期沒世稱事未蓋棺了富室競笙
歌陽春鬪花鳥物情逐時態過眼同靜悄因憶海揚塵何

嗟吳爲沼所貴在域中能超萬物表咄彼長眉翁莫嘲殤
子天

吾廬

心適地偏處吾廬花竹邨抱邨江幾曲流水繞吾門煖風
移去棹明月載歸軒營老已成計有懷誰共論春泉響石
窾與鳥投林昏舊遊多勝士及此娛芳樽驪駒曉未發鵲
鵲宵何喧白社雞豚會此盟期共敦

東山草堂詩爲劉大司馬作

有唐裴中令宋代司馬公起居候夷狄姓字傳兒童古人
不可作誰是閒世雄我公後其人德業正爾同來歸下覽
鳳去若冥飛鴻完名歸造化一節見始終區區漢兩疏圖

畫未足工東山在何許亦在東門東

嶽降不偶然天將輔有道廊廟逼台斗誰當致身早我公
立四朝事業多遠抱心增許國壯鬢爲憂時槁風雲非偶
逢日月有新造用舍定由已決歸非草草林下見一人洛
中配諸老往事甯復論清風播穹昊

舜日麗宸極明堂朝萬方師濟豈無人撐柱須棟樑公有
補闕手孤忠託袞裳公有決勝籌長才制畿疆君子恃無
恐臨流公爲航一朝辭祿去士類何佺佺雞林舊盟在白
社始願償其如本朝心一飯不易忘宇宙此東山乾坤一
草堂請看出處閒斯文道彌光

代內

菱鏡朝未窺錦衾宵未施鉛銷積粉匣香冷流蘇帷朱絃
不再鼓玉筋還雙垂遊子今何之賤妾常自悲憶當一紀
前與君初結褵枝連鳥比翼所願長相隨豈不遂歡會春
花秋月時終然成遠別海角並天涯念君純孝心日在堂
上慈拳拳論閨門色養不使虧柰此事靡盬還歌來諗詩
嬾婉非所惜能忘烏烏私君今三十春妾亦行及茲辛苦
向中年懷中無一兒復此萬里去悠悠以爲期

竹醉日帶雨移竹適胡京兆以竹亭卷索題漫賦二
首

我舊家瀟湘此君同一鄉薄宦當淇澳曾開瞻綠堂揭來
京城居有地思鋤荒喜逢君醉日自植雙蒼筤風雨中夜

沙洲看舊集 卷第一
聞虎寒生對牀誰知夏籜解勢欲蛟龍翔詩成思蕭瑟擬
刻此君旁緬想京兆公紫豪森快鉞

黃陵聞鷓鴣不憾行路難我行黃陵路照眼皆琅玕湘君
與此君節在兩不刊那有多情淚湮漉更斑斑靈均賦九
歌歌罷意未殫衆醉我獨醒焦枯見形顏君不糟與醅胡
爲一日閒漁父眞吾師七賢良可歎

新居軒前有松一株撫而愛之因憶陶淵明詩有連
林不覺獨樹乃奇之語遂以獨樹名軒用陶韻賦詩

二首

京邸隘且囂衣襟盡塵淄誰能辨隙地長此凌雲枝暇日
此盤桓吾生信離奇開軒得幽對彼擾將胡爲三徑恍在

茲母爲愁長羈

我生不得地受命長孤羈礫石不中程詎堪梁棟爲緬懷
冬嶺秀亦有冬園奇遠志願相依重生子孫枝青青閱四
時不改澗壑姿

巢父井

自注在汝州許由廟側

乾坤幻滄桑歲月翻陵谷城郭諒已非茲泉尙誰屬堯民
耕鑿餘地脈實停蓄鬼神謹呵護造物寄幽獨一泓侵新
蟾百丈依喬木我來九月杪汝水吹寒綠昔聞洗耳翁猶
自羞黃犢區區末路人罪垢何由贖有足不敢濯有髮不
敢沐冠纓乃外物實懼神明瀆何時歸去來南國舊茅屋
嶽麓深幾重瀟湘清幾曲鑿井有餘地鼯鼠得滿腹巢林

尚可希鷦鷯一枝足

泗州寺題壁

我肯過此人不識解裝借宿寺門側而今來過頓殊前閤
黎出候走欲頓吁嗟世態應如是不意山僧猶復爾感我
題詩向壁東有誰詩更碧紗籠

爲宋少卿題畫

孤亭四開樹雙起正在溪頭與山底何人家住此山中臥
不出遊關未起山雲半白風半青溪流瀉綠寒無聲謝公
屐齒老已折漁父棹歌清可聽此圖此景夢中事指點蒼
茫認形似洞庭嶽麓渺天南長安祇有慈恩寺
溪風吹雲滿山腹上有青山下茅屋誰家亭子據潺湲中

隔板橋煙樹綠野艇悠悠來溯阿晴沙白石灘聲多幽人
不喜問奇字叩舷一曲滄浪歌

美人折花歎

憶昔花開郎在時倩郎爲我尋芳枝垂垂雙帶歷雲鬢紅
顏笑謂花相宜而今花開郎遠道妾顏如花爲誰好雖有
芳枝不上頭坐看春色催人老

送王明山亞卿南歸

舉世作螾蟻復希升壁蝸誰能二蟲外改服爲龍蛇紅塵
白日競未已擾擾歲暮行天涯浮名是何物買得女兒誇
君不見昨日司馬歸東山春曉開煙霞又不見今日司徒
歸明山秋霽無風沙華容兩高生並世山中宰相更有何

人家

登封道中

二室相望自古今地靈捧出當天心三十六峯高復深
耶甫耶何處尋我來獨得登山訣到眼雲山纔一瞥人道
天邊有鳳笙誰知地下無龍穴

東湖書院爲吳都憲獻臣作

洞庭以東稱此湖何年派別來蒼梧大雲之麓此形勝二
水所歸清不汚山可樵兮水可漁東湖先生山澤臞有田
一廛宅一區有書千卷足自娛疊宮朝啟集鸛雀宰木夜
靜唳烏雛先生卓爲名世儒才力久已應時需此地盟寒
幾載餘眞金出試百鍊鑪少學壯行吾豈誣中孚衆望登

釣樞斯道貴重寶在吾南薰吹醒夢歸途夢裏東湖田欲
蕪湖中老龍濟旱具霖雨會待蒼生蘇丹青他日圖東湖
官似輞川空畫圖

平十八寨詩

石有聲賊當滅白蟒出黑羅磔庚辰秋半兆先決將士當
場氣何烈撫巡御史親持節旣得虎子塞虎穴江流改盤
山失嶼正德十五年十月磨崖列碑爲誰設此石有聲得
昭雪都堂此辭刻此石垂誓將來杜毋折黑羅三千頭已
截羅黨再來羅種絕

宮怨

向晚倦薰香蛾眉蹙澹妝閨情緣病劇花事爲春忙夢破

烏唳樹愁來月過牆風流何處著寬盡舊霓裳

西寧作

旅店全依堡官衙每借山路經金鎖峽舟入玉門關枕有
聞猿淚庭無看鶴顏胡沙剛歷遍使節兩年還

鄭家驛次毛侍御

三過桃花渡桃花水正深留人無燕語報客有猿吟路苦
月離畢田欣歲守心仙源如許問他日會重臨

洮岷道中

景色來西徼蕭條信遠方水分羌部落原注洮河以南即番地山絕

漢封疆

原注駝羅納郎諸嶺與番有定界

幾處青稞熟

原注青稞類大麥地不生五穀土人

所食惟此

深憂白雨傷

原注夏秋恆電土人謂之白雨

荒城誰爲守十室九逋

亡

西寧道中

孤館愁難息窮途倦亦行積冰寒地裂斜日遠山橫饒鼓
來番唱風塵接虜營使才須絕域何處不王程

山丹歲暮感懷

偶然呼酒至聊復與鐙親旅舍非無歲邊城不見春風塵
催短鬢豺虎託危身此際誰兒女慙慙說苦辛

鎮夷道中

不謂來沙磧還當渡黑河時平疆場廣地重戍兵多禹蹟
誰修復天城鬼護呵居延遙可望無奈合黎何

肅州次壁閒韻

髀肉消來久王程不解鞍河山隨處險風日四時寒獨雁
書何向哀猿淚未乾平生歎行路今日始知難

惆悵

俸錢無力辦雲山安得偷生未老閒今雨少人憐病骨好
詩須客破愁顏一官冷熱真何物千古飛沈只等閑惆悵
菊花秋約晚柴門留在不成關

次攸縣陳太守韻

門有懸車二十年今吾故我兩能賢江湖范老同憂地風
月堯夫獨樂天舊政已收循吏傳新詩誰付野人編日長
睡足無他事讀罷南華第幾篇

客語大司馬東山先生消息有感

致身王國立綱維事業無非正大施三代遺才生近世幾
人名德並當時頭顱歲逐青春改肝膽天回白日知會際
聖明非偶爾願公堅築太平基

輓鄧都司

崖石臨江擬重磨功名老去更提戈才堪共濟人皆說勢
不俱生賊轉多戰骨有靈惟馬革故山無主是雲窩自注
號雲邨氓慟哭行師地誰領衝風卷白波

贈獻吉

詩囊新有別知篇翦紙臨書復惘然春及芳遊須幾日夜
留清酌有同年落梅笛在聲初斷回雁峯高信少傳南北
相望渺雲樹莫忘鐙火此離筵

郊齋夜坐

歲事交新跡轉陳紛紛吾已厭蹏輪省垣相望無多地詩
句爲歡有幾人夜悄風還驚鶴夢春寒雪頗妬花神清齋
未必非公事獨坐焚香埽六塵

詩當有感句先成坐裏爐灰撥二更南徼正勤招討使西
州重築受降城終纓頗自憐初志阮屐還誰念此生撩我
缸花真浪喜瘡痕所在未全平

出巡鄴城得太僕少卿之報述懷一首

隨分功名不問天鄴城消息是誰傳身如社燕無安壘官
似黃楊有閏年自注參政三品今得四品是歲有閏四月故云延壽極知須減祿
得閒何必更求仙家山一別餘三載盍賦歸耕禮墓田

偶成

折腳鐺中供茗餉漏花鑪裏試香材舊書眼月常三過近
事腸輪正九迴俯仰有情空感慨乾坤何物不塵埃青春
已覺吾生老肯把功名問芋灰

幽居

幽居不受一塵侵坐釣今誰復姓任浮漢未酬飛閣志濟
川空作繫舟心門前鷗鷺時同狎窟裏蛟龍夜獨吟長愧
微涓輸不盡聖恩難報海波深

題顏都憲山水小景

江空爲誰空酒船日午猶自尋村煙絕岸一橋人不到連
岡萬樹春無邊石田墾兒堪食我丹鼎鍊客曾飛仙此景

何年地能縮衡山湘水唳鶯前

卜築何公山

何公山好世爭傳著我茅齋得幾椽地主敢從今日定姓名如結舊時緣天教避俗非真隱人解離羣是散仙勝跡可容成不朽戴公能折券頭錢

白雲飛盡午風清羸馬重過眼倍明擬搆兩椽龜未卜纔開一徑鶴先行此山乞我真天力何物看人不世情泉土夢餘仙石在藥爐留待事長生

飲陳長官園亭

芳園城西得賞遲一樽相屬散衙時風狂可耐吹花落春去誰知與老期金谷罰無詩可贖玉山頽覺酒難支眼前

光景能多少消盡公家萬種癡

魚鱗山

鬼畫神剗出世竅陽開陰闔有無閒風雷夜走簷前石虎
豹晨嘯屋後山黃葉滿林人未埽蒼苔一徑客曾還題詩
底用名招隱萬事先生總不關

遊赤水

連轡西郊十里陰客懷何處惜芳林無端世上閒奔走消
得尊前幾唱吟腐草雨多螢未出落花風定客還尋同遊
述作今陶謝樂事真堪副賞心

春日言懷

旅食數逢三月節京塵再踏九年春頭顱已覺成今我事

業何由到古人憂切敢忘民與國道存空復病兼貧門牆
幸有瞻依地懷麓堂前往返頻

寄園丁

草中蘭菊須連畝蔬裏薑菰好數畦果愛橘梅填隙地樹
宜杉桂繞長溪竹當放筍栽教闢茶已生成採要齊舊樣
小亭如可築不妨深處翦蒿藜

送菊涯翁

山徑曾陪九日遊數枝還爲一尊留買從遠市聊供節栽
向名園合擅秋漸老有人憐鶴瘦乍寒無客替花愁多情
不用防吹帽短髮猶禁插滿頭

出郴江口奉次鄧東溪先生舟中題壁韻

好鳥頻嗁戀別魂提壺沽酒替誰言楚人自是甘爲客
水何曾解抱村飛棹始辭龍勢險打篷偏聽雨聲繁微
有地輸滄海萬折難忘聖主恩

掇句

拍拍雁浮水欣欣木向榮白髮惟公道春風不世情

雜畫

莫道春風好春風易白頭君看花裏鳥亦有世閒愁

平涼與窳庵再會爲次待隱園韻

團山數畝足幽深花竹年來養作林欲隱爲誰仍有待
未能忘是濟時心

閒愛聽鶯樹底來臨當欲去首重回曉來一雨春狼藉多

少花香染鹿胎

攜酒深春席屢移向來蹤跡頗幽奇
草茵踞坐詩成處未許江雲野鶴知

制使有名知草木散人無號拜江湖
洞庭波靜君山秀爲問扁舟有意無

蕭關題壁

馬蹏新自賀蘭歸平野晴看雪打圍
千里不留狐兔蹟肯教胡地一塵飛

風穴山

原注山在汝州上有風穴風將發其穴必先有聲故名

誰信飛廉有穴居夜聞清籟滿郊墟
枇杷糠一世吾何敢憑仗先應爲埽除

深藏一穴自緘滕風伯今誰汝訟曾致旱元非盡關汝人
閒老魅正憑陵

題詠蔬圖

口腹吾能不厭貧秋來惟憶故鄉尊區區肉食誰謀國會
念民閒菜色人

鵲噪簡西鄰二首

素居無一事可喜怪爾喳喳日幾回聞道鄰家酒新熟定
應雙榼過牆來

坐對秋山有所思一杯還爲故人持誰云飲啄非前定籬
畔分明有鵲知

丁丑歲有感

沅湘耆舊集

卷第十三

夫

臣密今年四十四自憐無復報劉時獨留微志愚誠在猶
幸皇天后土知

沅湘耆舊集卷第十三終